

www.BibleForChildren.org


Mahtae 26



Nanggal' ka
yam pawe vel
nya na'un' nang
rot ka les seunyi
na', Yesu' Eun rot
nang yung' Betani' vang
ut' eun Lasaru' ku' Yesu' tang
yeuh Eun eun kuh' im' na'.
Mari' eun ti lamawn hom'
seunga' chak' ngos heun'
nyawk' na' hk'ao ri hk'eung
lit' na', eun lhuik' ri pok a ri
cung Eun Yesu' na', eun ot' a ri
huik' ri na'. Hom' ka lamawn hom'
na' a hom' hk'awp' hk'a'naee nya na'.



Hawc' awn' na, Yu'das' I'sakariot' ku' meuh
hk'a'naee tapae' kul'leual' peue na' punta kaw eun ap
fuin Yesu' Eun ri ro' ce peue jhawp'
rit na', eun heul' ri ce. Yam pun
ce ri mhawng' leukah' eun
na', ce ren'kawn nyawk'.
Ce yeuh kati kaw tuil' eun
is' leumuil. Kop awn'
na, eun sok yam
htuk' lai ri kaw
ap fuin Eun
ri ce na'.



Kop awn' na, tapae' na' ce heul'
yeuh a hot' seun' ku' Yesu' kah
Eun ce yeuh na'. Ce heul' rangraen
pawe vel nya na'. Yam mok' ce ri
som' na', Yesu' Eun ti hkawomun'
na' Eun mun' keuting ri Peucawo'
Eun. Hawc' ko', Eun ves ri tuil' a
ri tapae' ri na' ce. Eun lah',
"Ti ri hk'a a reu'. Aen'
meuh a tu' Ui'."



Hawc' ko', Eun ti kaw' na', Eun
mun' keuting ri Peucawo' Eun.
Hawc' ko', Eun tuil' a ri ce. Eun
lah', "Ti ri nyui a ku peue ri reu'.
Aen' meuh a nham' Ui', a meuh
nham' kati sat'ca'. A lhaee' bah
pun kaw a ploer' map' pun peue
heun'heun' na' peue."



“Si’mon, Si’mon, Satan na’ hk'o’ pun a ri kaw
hk'eung’ pe’ seun’ gu’ ngho’ na’ hk'eung’ a ri na’
hawc’. Daecti, Si’mon, punta hk'a’ yum’ mi na’ kaw a
un’ lhu’jah na’, hk'o’ Ui’ mun’ pun mi hawc’. Yam tang
hpawt’ mi ri ing’ hawc’ na’, mi na’ tuil’ kawl’ reng ce
ec’awng’ ri na’ reu’.”




Daecti Petru' eun lah', "Cawo', saec' meuh nang
htawng' un' lah', vang yeum un' lah', rangraen ui' ri
kaw hot' Mi hawc'." Yesu' Eun top' a, "Petru', kaw Ui'
lah' a ri mi, bul seunyaen' nanggal' el' un' nang leuo'
ka na', kaw mi lah' ri un' yawng Ui' hton loe' pok."



Hawc' awn' na, Yesu' Eun
maee' tapae' na' ce heul'
ri vang muis Gesemani' na'.
Eun lah' a ri ce, "Yam
heul' hk'o' Ui' mun' teh'
na', pe' ri pe' na' mok'
maen' awh." Eun hk'o' mun'
lah', "Aba', A'kuiing', cang
yeuh Mi ku ceu na'
gawm' euc' ka. Hk'o' Mi ti
kaw' aen' na heul' hk'ai' Ui'.
Daecti pawlaee kah a meuh
alo Ui', kah a htonnuk hot'
alo Mi na'."



Kop awn' na, Yu'das' eun va muk peue suik' mae'e' peue yeuh kan' ce ro' peue jhawp' rit mae'e' peue Hparisae' na' ce heul' nang val awn' na. Ce pin' bin' ngawl, kaw' ngawl mae'e' hk'eung an' nya na' heul'. Hawc' ko', tapae' ti peue na' eun bhat' yhuk' a'tawm' eun mhai' eun peue jhawp' rit keuting na' deut. Daecti Yesu' Eun lah', "Peunaw', pawlaee yeuh a bae." Hawc' ko', Eun paic' yhuk' eun mhai' awn' na. Eun bai' eun cuin.



Ce mawt ri va Yesu' Eun heul' ri nya eun peue jhawp' rit keuting na'. Petru' eun ut' vang ca ri seungai na' eun hot' ce heul'. Daecti yam puing' ce ri cuil ngawl nang ngon' keuleung ka sa'nam' na', Petru' eun ku ing' mok' mae' ce.



Mhai' ku' seubu eun peue
jhawp' rit keuting ku'
meuh ec'awng' eun ku'
Petru' bhat' eun yhuk'
eun deut na' eun
htawhkam a lah', "Nyu ui'
ut' mi mae' Heun nang val
hku' sanlon na', un' meuh
ka aw?" Petru' eun tang
htu'hting' eun. Yam awn' na, el'
na' a keulawn' leuo'. Petru' eun
pucti heul' hpum' sic'sawng' yam
hk'a'nok na'.



Hawc' ko', peue hk'om na' ce gawm'euc'
ce yuk ri kuh' va Yesu' Eun heul' ri
cawo' Pi'lat eun. Kop awn' na, cawo'
Pi'lat eun mhaing' Yesu' Eun, "Meuh
Mi hkun'haw'hkam' ce peue Yu'da
na' aw?" Yesu' Eun top'
a, "Euh, seun' a ku' lah'
mi na' yeut." Kopti cawo'
Pi'lat sum' ploe' eun Yesu'
Eun na', eun tang hpawe ce

baee. Daecti ce ta'ul' ri lah',
"Tawk' Eun yeum pang kleum'
rawng'tawp' na' reu', tawk' Eun
yeum pang kleum' rawng'tawp'
na' reu'."




Vang tisut' ka na', cawo' Pi'lat
eun ap ce tawk' Yesu' Eun pang
kleum' rawng'tawp' na'. Kop
awn' na, peue suik' na' ce va
Yesu' Eun pucti heul'. Eun
klawm' kleum' rawng'tawp' ri
na' heul' vang muis Doh Cing'
na' (leukah' Arame' ka na' a
lah' Kolakohta').




Teh' na', ce tawk' Eun pang kleum'
rawng' tawp' mae' peue la' peue na'
ka, ka tawk' ri hk' a' mawn'
hk' a' maen' Eun na'.

Yesu' Eun ut'
nang ngon'
ka na'.



Yam awn' na, a meuh hk'ao ri peunnyi keuting na'.
Bhen' keute' na' a duim'lawng euc' rot hk'a'pul loe'
nali na', kopti seunyi na' a yut' ceng' ri na'. Hpen'
kang' nang nya hk'o' mun' keuting na'
a res meuh lal' glawk'.
Yesu' Eun klawng ri lah'
seng' laws', "A'kuiing',
kaw Ui' ap civit ri na'
nang ti' Mi." Hawc' lah'
Eun a yeuh keutit' na',
Eun hpum' deut.



Yo'saep peue veng Ari'mahtia eun
hpum' hat'han' heul' hk'o' ri ti tu'
Eun Yesu' na' ri cawo' Pi'lat
eun. Yo'saep eun meuh peue
muis laws' ut' nang muk
ce peue taws' kan' na'.
Eun meuh peue
keutui' hpum' ko'
kuing' Eun

Peucawo'
na'.

Kop awn' na,
Yo'saep eun ti tu'
Eun Yesu' na' lih. Eun
bawl' tu' Eun na' ri
hpen' linin leuvaee ri ri
uin' na'. Eun seue' Eun
nang leuang' jhec' ri
meuh keutui' leumuic
na'. Hawc' ko', eun cut'
ri dho' keutui' na' ri
meul' seumu.



Hawc' ka na' ti seunyi na' ko', meuh a
seunyi hawc' ka seunyi
rangraen ri kaw yeuh
pawe na', peue jhawp'
rit keuting mae' peue
Hparisae' na' ce va
puri heul' ri cawo'
Pi'lat eun.




Ce lah', "Cawo', kuit rot ye ri peue
cang chi' lai aen' yam kawn' a'yu
im' Eun na' lah' Eun,
'Hawc' ka loe' seunyi na',
Ui' na' tang kuh' im'."
Kop awn' na, ce heul'
nom' nawk keutui'
leumuic na'
meulamlam ri
tawk' a is' ta'ra'
maee' kah peue ko'
kawn a.



Hawc' ka seunyi Sin', peunngup cawo
ka seunyi nanggal' ka vung na',
Mari' peue veng Magadala'
maee' Mari' nang seubu na'
ka heul' nawk keutui'
leumuic na'. Yam awn'
na, a keulawn' in'san'
keuting nyawk'.



In'hpom Eun Peucawo' ti peue na'
eun lih neum kuing' pang mao'.
Eun cut' ri tec meul' seumu
dho' ka keutui' leumuic
na'. Eun mok' hk'a' pang
ka meul' seumu awn'
na. Peue ko' kawn na'
ce lhat' keuyuing'
ri in'hpom na' eun.
Ce yeum jawng.




In'hpom na' eun lah' a ri beun' lal'
peue awn' ka, "Pawladee lhat'.
Yawng ui' heul' sok pa' Yesu'
ku' tawk' peue yeum pang
kleum' rawng'tawp' na'
Eun. Hpaw Eun ca'
laee ut' maen'.
Seun' lah' Eun ri
uin' a na', kuh' im'
Eun

hawc'. Ing' nawk
vang uin' peue Eun
na' reu'."




Kop awn' na, ka pucti lih hk'ai' keutui'
leumuic na' vaevevae. Ka ku lhat' ka
ku ren' nyawk', ka hk'uih ing' ris
tapae' na' ce mhawng' a. Yam
awn' na, Yesu' Eun keulawn' ing'
leukah' mae' ka. Ka ing'
jhawp' cung Eun na', ka
faee' Eun.



Hawc' awn' na, Yesu' Eun tuil' tapae' kul'ti peue ri
na' ce nyu tu' ri na' yam buih som' ce na'. Eun is' ce
kopti un' kue' ce hk'a' yum', mae' kopti lheu' ce
leukah' ce un' yum' ku' lah' ce peue pun ri nyu Eun
hawc' tang kuh' im' Eun na'. Yam Cawo' Yesu' hawc'
lah' Eun a ri ce na', Peucawo' Eun yuk Eun huk' nang
kuing' pang mao'. Eun mok' hk'a' a'tawm' Eun
Peucawo' na'.



Kopti Peucawo' leumeus' Eun peue
bhen' keute' na', Eun hkam' ri
tuil' Kon' ai' ti peue ri na' Eun.
Punta peue yum' Kon' ai' Eun
na' ku peue kaw ce un' lulaic,
daecti ce kaw pun cit'
tip a'yu tip
cot'cu na'.



Ro'ma 3:23

kopti yeuh peue map' na' ku peue, peue hk'uic' hk'ai'
munhpung' Eun Peucawo' na'.

Ro'ma 6:23

Kopti ngos reng ka map' na' meuh a hk'a' yeum na'.
Daecti lapsawng' lih neum Peucawo' Eun na' a meuh cit'
tip a'yu tip cot'cu hk'a'naee Yesu' Hkrit Cawo' meuh
Peucawo' e' na' Eun.

Hebrae' 9:27

A seun' peue na' pun peue ri hkam' hk'a' tang' ri uin' ri
kaw yeum ti pok yawo na' yeut, hawc' ka na' peue kaw
pun ri hkam' hk'a' taws' a'mu na'.



E'fe'su' 2:8,9

Kopti meuh a mun' Eun Peucawo' na', pe' pun hk'a' htut lawtpon na' ri hk'a' yum' pe' na'. Hk'a' htut aen' na, pe' hkuin' pun a ri yeuh meun pe' a, daecti a meuh lapsawng' lih neum Peucawo' Eun, a hkuin' meuh hk'a' htut lawtpon yeuh pe' ri pun, punta a'nhaw' hkuin' kaw cang yeuh a meuh seure' ri kop a saec' ti peue.

Ro'ma 10:9,10

Aen' na ko', moeng pe' na' a lawn rap ri ti Yesu' meuh Eun Peucawo' na' mae' hpum' pe' na' a yum' Peucawo' yeuh Eun Yesu' Eun tang kuh' im' hk'ai' vang yeum ri na' ko', pe' ku kaw pun ri rap ri ti hk'a' htut lawtpon na' yeut. Kopti meuh a yum' pe' ri hpum' ri na', Eun sawn' pe' meuh peue leupaws seumeu'. Mae' kopti meuh a rap pe' ri ti ri moeng ri na', Eun yeuh pe' lawtpon.



Yo'han 3:16,17

Kopti Peucawo' leumeus' Eun peue bhen' keute' na', Eun hkam' ri tuil' Kon' ai' ti peue ri na' Eun. Punta peue yum' Kon' ai' Eun na' ku peue kaw ce un' lulaic, daecti ce kaw pun cit' tip a'yu tip cot'cu na'. Kopti Peucawo' Eun hkuin' cus' Kon' ai' ri na' Eun lih pang bhen' keute' na' punta kaw Eun taws' a'mu ri bhen' keute' na', daecti a meuh punta kaw Eun teum'kawm bhen' keute' na' lawtpon ri Kon' ai' ri na' Eun.

1 Yo'han 5:11-13

Sa'hki' aen' a meuh Peucawo' tuil' Eun cit' tip a'yu tip cot'cu ri e' na'. A'yu aen' a kue' hk'a'naee Eun Kon' ai' Eun na'. Peue kue' Kon' ai' Eun Peucawo' na' kue' ce a'yu. Peue un' kue' Kon' ai' Eun na' ce un' kue' a'yu. Punta kaw pe' yawng pun ri cit' tip a'yu tip cot'cu na' hawc' na', ui' tem' ri tuil' ceu nang aen' ce ri peue yum' muis Eun Kon' ai' Eun Peucawo' na' pe'.



Mahtae 26-28; Lu'ka 22-24; Yo'han 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Plang (Blang) NT (blr) © (Active), Wycliffe Bible
Translators, Inc. All rights reserved.

<https://www.bible.com/en-GB/bible/2819/MAT.1>

©2026 Bible for Children, Inc.

www.M1914.org

www.bibleforchildren.org

